

POLISI GWISG YSGOL



Dyddiad wedi ei Gymeradwyo gan y Corff Llywodraethol	16/6/2022
Dyddiad Adolygu	16/6/2025
Arwyddwyd (Cadeirydd y Corff Llywodraethol)	
Arwyddwyd (Pennaeth)	

Polisi Ysgol Ysgol Llan-y-pwll yw fod pob plentyn yn gwisgo gwisg ysgol pan yn mynychu'r ysgol neu pan yn mynychu digwyddiadau ble mae'r plentyn yn cynrychioli'r ysgol y tu allan i oriau arferol yr ysgol.

Seilir y polisi hwn ar y gred fod gwisg ysgol yn:

- hybu ymdeimlad o falchder o'n hysgol;
- creu ymdeimlad o fod yn rhan o gymuned sydd yn perthyn i'r ysgol;
- ymarferol, taclus a thwt;
- gwneud i bob plentyn deimlo'n gyfartal o ran ymddangosiad;
- cael i'w ystyried fel dillad addas ar gyfer ysgol sydd hefyd yn werth da am arian.

Mae'r polisi gwisg ysgol yn rhan greiddiol o ymroddiad yr ysgol tuag at gyfle cyfartal a chynhwysiad. Mae Corff Llywodraethol yr ysgol yn credu fod gwisg ysgol yn galluogi i holl ddisgyblion yr ysgol rannu ymdeimlad o hunaniaeth gan ddathlu nodweddion sydd yn gyffredin i bawb, gan hefyd barchu amrywiaeth. Os ydych yn ansicr, yna dylech gysylltu â Swyddfa'r ysgol cyn prynu gwisg.

Rydym yn annog rhieni neu ofalwyr i brynu gwisg ysgol hyd oed pan fydd plentyn yn yr oed meithrin.

0030

Mae'r wisg fel a ganlyn;

- Trowsus ysgol ddu/ sgert ddu/ siorts du;
- Esgidiau du addas
- Crys polo porffor
- Siwmpwr neu gardigan ysgol ddu
- Ffrog haf porffor

Gwisg ar gyfer gwersi Addysg Gorfforol :

- Siorts du
- Jogyr du
- Crys T gwyn
- Pymphiau du

Gallwch archebu'r wisg ysgol yn uniongyrchol gan RAM - <https://ourschoolwear.co.uk/pages/primary-schools>.

Mae'r crys T polo, siwmpwr ysgol a chrys T ar gyfer gwersi Addysg Gorfforol gyda logo'r ysgol arnynt ar gael gan RAM. Yn ogystal â'r dillad, gallwch archebu bagiau darllen a bagiau Addysg Gorfforol o RAM.

Enwau ar ddillad / dillad coll

Rydym yn annog rhieni, gofalwyr a phlant i sicrhau fod pob dilledyn wedi ei labelu yn glir gydag enw'r plentyn. Mae hyn yn cynnwys esgidiau a phympiau addysg gorfforol. Bydd pob dilledyn sydd ddim yn cael ei hawlio ar ddiwedd pob hanner tymor yn mynd i fanc dillad cyfagos neu yn cael ei ail-gylchu o fewn yr ysgol.

Esgidiau

Rydym yn annog y plant i wisgo esgidiau du i'r ysgol. Dylai fod yr esgidiau yn ddiogel ac yn addas i chwarae yn ddiogel tu allan ar fuarth neu gae'r ysgol (tymor yr haf). Ni ddylai'r un plentyn wisgo esgidiau gyda sodlau uchel.

Gemwaith

Nid yw'r ysgol yn caniatáu i blant wisgo gemwaith i'r ysgol (ac eithrio 'stÿds'). Rhaid i blant sy'n gwisgo 'stÿds' allu eu cymryd i ffwrdd cyn sesiwn Addysg Gorfforol. Os nad yw hyn yn bosib, disgwylir i'r plant orchuddio'r clustdlysau gyda phlaster.

Colur

Nid yw'r ysgol yn caniatáu i blant wisgo colur i'r ysgol. Ni chaniateir ewinedd ffug na farnais ewinedd ar blant yn yr ysgol.

Os nad yw gwisg ysgol yn cydymffurfio â'r polisi hwn:

- Bydd y tîm arweinyddiaeth neu'r athro/ athrawes yn cysylltu â rhieni neu ofalwyr i ofyn am eu cefnogaeth, fel y cytunwyd yn y cytundeb cartref/ ysgol.
- Os bydd y problem yn parhau ar ôl i'r cyfnod amser gael ei cytuno, bydd y Pennaeth yn cysylltu â'r rhieni.